

МИНИСТЕРСТВО ТЕРРИТОРИАЛЬНОГО
УПРАВЛЕНИЯ И ИНФРАСТРУКТУР
РЕСПУБЛИКИ АРМЕНИЯ
ЗАО "ВЫСОКОВОЛЬТНЫЕ ЭЛЕКТРОСЕТИ"
ГЕНЕРАЛЬНЫЙ ДИРЕКТОР



MINISTRY OF TERRITORIAL ADMINISTRATION
AND INFRASTRUCTURES OF THE REPUBLIC
OF ARMENIA
"HIGH VOLTAGE ELECTRIC NETWORKS" CJSC
GENERAL DIRECTOR

0084 Армения, Ереван, ул. З. Андраника 1
Тел. 060 38 00 01

0084 Armenia, Z. Andranik st.1, Yerevan
Tel: 060 38 00 01

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ
ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ
«ԲԱՐՁՐԱՎՈՒՆ ԷԼԵԿՏՐԱՑԱՆՑԵՐ» ՓԲԸ
ԳԼԽԱՎՈՐ ՏՆՕՐԵՆ

0084, Հայաստան, Երևան, Զ. Անդրանիկի 1,
Հեռ. 060 38 00 01

Էլ. հասցե: hven@hven.am, www.hven.am

No. _____

«20» 10 2023թ.

«ԱՐԽԻ ԹՈՒԼԱ» սահմանափակ

պատասխանատվությամբ ընկերությանը

ԾԱՆՈՒՑՈՒՄ

/Պայմանագիրը միակողմանի լուծելու վերաբերյալ/

«Բարձրավոլտ էլեկտրացանցեր» ՓԲ ընկերության /այսուհետ՝ Պատվիրատու/ և «ԱՐԽԻ ԹՈՒԼԱ» ՍՊ ընկերության /այսուհետ՝ Կատարող/ միջև 2023 թվականի հունիսի 14-ին կնքվել է ԲԷՑ-ԳՀԾՁԲ-23/16 ծածկագրով տեսադիտարկման համակարգերի ներդրման նպատակով նախագծանախահաշվային փաստաթղթերի կազմման խորհրդատվական ծառայության մատուցման գնման պայմանագիր /այսուհետ՝ Պայմանագիր/, որի 1.1 կետի համաձայն՝ Կատարողը պարտավորվել է նշված Պայմանագրով սահմանված կարգով, նախատեսված ծավալներով, ձևով և ժամկետներում՝ մինչև 14.07.2023թ., կատարել Պայմանագրի N 1 հավելվածով սահմանված տեխնիկական բնութագիր-գնման ժամանակացույցով նախատեսված Պատվիրատուի կողմից ներկայացվող տեսադիտարկման համակարգերի ներդրման նպատակով նախագծանախահաշվային փաստաթղթերի կազմման խորհրդատվական ծառայությունը /այսուհետ՝ Ծառայություն/, իսկ Պատվիրատուն պարտավորվել է ընդունել մատուցված Ծառայությունը և վճարել դրա դիմաց: Չնայած համատեղ բազմաթիվ քննարկումներին՝ Կատարողը 27.07.2023թ.-ին Պատվիրատուին է ներկայացրել Պայմանագրի Հավելված 1-ի տեխնիկական առաջադրանքի պահանջներին չհամապատասխանող նախագծանախահաշվային փաստաթղթերի փաթեթ, որից հետո

կրկին տեղի է ունեցել համատեղ քննարկում՝ հայտնաբերված թերությունները շատ սեղմ ժամկետներում շտկելու և Պատվիրատուին փաթեթը վերջնական տեսքով ներկայացնելու նպատակով: Այնուհանդերձ ծառայության մատուցումը կրկին ձգձգվել է, ինչի պատճառով Պատվիրատուն գնումների PPCM համակարգի միջոցով Կատարողին է ներկայացրել բացասական եզրակացություն՝ ի պատասխան Պայմանագրի կամ դրա մի մասի կատարման արդյունքների հանձնման-ընդունման արձանագրությանը:

01.10.2023թ. և 04.10.2023թ. Կատարողը Պատվիրատուին է ներկայացրել շահագործման ծառայության «Արևմտյան» տեղամասի «Գյումրի-2» և «Հյուսիսարևելյան» տեղամասի «Վանաձոր-1» ենթակայանների նախագծերի թղթային մեկական տարբերակ հայերեն լեզվով (նախահաշիվները չեն ներկայացվել), իսկ էլեկտրոնային տարբերակներից միայն «Գյումրի-2» ենթակայանի նախագիծը, այն էլ առկա բազմաթիվ թերություններով:

Պայմանագրի 2.1.3 կետի համաձայն՝ Պատվիրատուն իրավունք ունի միակողմանի լուծել Պայմանագիրը, եթե Կատարողն էականորեն խախտել է Պայմանագիրը: Կատարողի կողմից Պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում Պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

Հաշվի առնելով այն հանգամանքը, որ Կատարողի կողմից չեն կատարվել Պայմանագրով նախատեսված պարտավորությունները, Պատվիրատուն, ղեկավարվելով Պայմանագրի 2.1.3 կետով, միակողմանի լուծում է Կատարողի հետ 2023 թվականի հունիսի 14-ին կնքված ԲԷՑ-ԳՀԾՁԲ-23/16 ծածկագրով Պայմանագիրը: Միաժամանակ տեղեկացնում եմ, որ «Գնումների մասին» օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, Պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը Պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված Պայմանագրի վերաբերյալ հայտարարությունը հրապարակելու կամ Պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը:

Որոշումը կայացվելուն հաջորդող օրը այն գրավոր տրամադրվում է լիազորված մարմինն և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգերորդ օրը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Ընդ որում, եթե՝

- սույն կետով նախատեսված՝ լիազորված մարմինն որոշումը ներկայացվելու վերջնաժամկետը լրանալու օրվա դրությամբ մասնակիցը կամ Պայմանագիրը կնքած անձը վճարել է հայտի, Պայմանագրի և (կամ) որակավորման ապահովման գումարը, ապա Պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին.

- մասնակցի կամ Պայմանագիրը կնքած անձի կողմից հայտի, Պայմանագրի և (կամ) որակավորման ապահովման գումարի վճարումն իրականացվել է լիազորված մարմինն որոշումը ներկայացվելու վերջնաժամկետը լրանալուց հետո, բայց ոչ ուշ, քան մասնակցին կամ Պայմանագիրը կնքած անձին ցուցակում ներառելու վերջնաժամկետը լրանալու օրը, ապա Պատվիրատուն դրա մասին գրավոր տեղեկացնում է լիազորված մարմին, որի հիման վրա մասնակիցը չի ներառվում ցուցակում:

Հետևաբար՝ Պատվիրատուն.

1. Միակողմանի լուծում է ԲԷՑ-ԳՀԾՁԲ-23/16 ծածկագրով տեսադիտարկման համակարգերի ներդրման նպատակով նախագծանախահաշվային փաստաթղթերի կազմման խորհրդատվական ծառայության մատուցման գնման Պայմանագիրը

2. Կատարողի կողմից Պայմանագրի և (կամ) որակավորման ապահովման գումարների չվճարման դեպքում գնումների գործընթացին մասնակցելու իրավունք չունեցող մասնակիցների ցուցակում ներառելու պատճառաբանված որոշումը ներկայացնում է լիազորված մարմին:

ԳԼԽԱՎՈՐ ՏՆՕՐԵՆԻ

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ

ԴԱՎԻԹ ՄԻՐԶՈՅԱՆ